

Helstu liðir í efnahagsreikningi Seðlabanka Íslands

Meðfylgjandi eru upplýsingar úr efnahagsreikningi Seðlabanka Íslands í lok ágúst 2002 og til samanburðar í lok desember 2001 ásamt breytingum í ágúst 2002 og frá ársbyrjun 2002.

Gjaldeyrisforði Seðlabankans jókst um 1,1 milljarð króna í ágúst og nam 37,5 milljörðum króna í lok mánaðarins (jafnvirði 439 milljóna Bandaríkjadala á gengi í mánaðarlok). Erlend skammtímalán bankans drógust saman um 2,2 milljarða króna í mánuðinum og námu 17,9 milljörðum króna í lok hans. Þessar breytingar má rekja til lánahreyfinga ríkissjóðs. Gengi íslensku krónunnar veiktist í mánuðinum um tæp 3%.

Í mánuðinum var gerður framvirkur samningur um sölu á gjaldeyri við innlánsstofnun, en Seðlabankinn hefur skuldbundið sig til að selja stofnuninni gjaldeyri samtals að fjárhæð 3,3 milljarðar króna í þremur áföngum á tímabilinu september 2002 til mars 2003.

Markaðsskráð verðbréf í eigu bankans námu 5,1 milljarði króna í ágústlok miðað við markaðsverð. Þar af námu markaðsskráð verðbréf ríkissjóðs 1,7 milljörðum króna.

Kröfur Seðlabankans á innlánsstofnanir drógust saman um 4,5 milljarða króna í júlí og námu 78,6 milljörðum króna í lok mánaðarins. Kröfur á aðrar fjármálastofnanir breyttust lítillega í mánuðinum og námu 6 milljörðum króna í mánaðarlok.

Nettókröfur bankans á ríkissjóð og ríkisstofnanir hækkuðu um 2,5 milljarða króna í ágúst og voru neikvæðar um 25 milljarða króna í lok mánaðarins, þ.e. nettóinnstæður ríkissjóðs námu 25 milljörðum króna.

Grunnfé bankans stóð því sem næst í stað í ágúst og nam það 38,8 milljörðum króna í mánaðarlok.

Nánari upplýsingar veita bankastjórar Seðlabanka Íslands og Erla Árnadóttir aðalbókari í síma 569-9600.

Helstu liðir í efnahagsreikningi Seðlabankans
Í milljónum króna

	Staða í lok tímabils		Hreyfingar 2002	
	Desember 2001	Ágúst 2002	Frá ára- mótum	Í ágúst
<u>Eignaliðir :</u>				
Gjaldeyrisforði	36.573	37.530	956	1.103
Markaðsskráð verðbréf	5.099	5.059	-40	382
Ríkissjóðs	2.144	1.742	-402	20
Annarra	2.954	3.316	362	362
Kröfur á innlánsstofnanir	54.053	78.606	24.553	-4.484
Kröfur á aðrar fjármálastofnanir	22.774	5.993	-16.781	411
<u>Skuldaliðir:</u>				
Erlendar skuldir til skamms tíma	14.979	17.881	2.902	-2.174
Seðlar og mynt	9.174	9.350	176	-251
Almennar innstæður innlánsstofnana	965	1.582	617	39
Staða á bindireikningum innlánsstofnana	17.678	27.912	10.234	287
Almennar innstæður annarra fjármálastofnana	837	397	-440	-68
Staða á bindireikningum annarra fjármálastofnana	1.288	1.321	32	274
<u>Liðir til skýringar :</u>				
Gjaldeyrisstaða Seðlabankans, nettó:	21.595	19.649	-1.946	3.277
Kröfur á ríkissjóð og ríkisstofnanir, nettó:	-31.099	-25.008	6.092	2.526
Kröfur á aðra, brúttó	76.932	84.687	7.755	-4.071
Grunnfé:	27.817	38.844	11.028	75

Skýringar:

Gjaldeyrisforði sýnir brúttóeign Seðlabankans í erlendum gjaldeyri. Markaðsskráð verðbréf ríkissjóðs sýna eign bankans í spariskírteinum ríkissjóðs, ríkisbréfum og ríkisvixlum. Markaðsskráð verðbréf annarra eru húsbref og húsnæðisbréf. Kröfur á innlánsstofnanir eru brúttókröfur bankans á innlánsstofnanir. Kröfur á aðrar fjármálastofnanir eru brúttókröfur bankans á þessar stofnanir. Erlendar skuldir til skamms tíma sýna skammtímalán sem Seðlabankinn tekur við og við, m.a. í því skyni að styrkja gjaldeyrisforðann. Seðlar og mynt sýna heildarfjárhæð seðla og myntar í umferð utan Seðlabanka. Almennar innstæður innlánsstofnana og annarra fjármálastofnana eru innstæður þeirra á viðskiptareikningum í Seðlabankanum og bundnar innstæður innlánsstofnana og annarra fjármálastofnana eru innstæður sem þeim er skylt að eiga í Seðlabankanum í samræmi við bindiskyldu sem bankinn ákveður. Neðanmáls eru sýndir fjórir liðir til skýringar, í fyrsta lagi nettó gjaldeyrisstaða Seðlabankans sem sýnir erlendar eignir til skamms tíma að frádregnum erlendum skuldum til skamms tíma, í öðru lagi nettókröfur Seðlabankans á ríkissjóð og ríkisstofnanir, þ.e. skuldir þessara aðila við Seðlabankann að frádregnum innstæðum þeirra í bankanum, í þriðja lagi innlendar brúttókröfur á aðra en ríkið, og í fjórða lagi grunnfé bankans en til þess teljast seðlar og mynt í umferð og innstæður innlánsstofnana í Seðlabankanum.